

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ureda Premijera, Vlada Zeničko-dobojskog kantona, na 96. sjednici, održanoj dana 19.05.2017. godine, d o n o s i

## ZAKLJUČAK

### I

Prihvata se Mišljenje Ureda premijera Zeničko-dobojskog kantona, broj: 02-05-15266-1/16 od 10.05.2017. godine, po inicijativi Amira Ganića, poslanika Skupštine Zeničko-dobojskog kantona, za promjenu datuma obilježavanja Dana Zeničko-dobojskog kantona.

### II

Zaključak sa mišljenjem iz tačke I. dostavlja se Skupštini Zeničko-dobojskog kantona na dalje postupanje.

### III

Zaključak stupa na snagu danom donošenja.

Broj: 02-\_\_\_\_\_/17.  
Datum, 19.05.2017. godine  
Z e n i c a

**PREMIJER**

*Miralem Galijašević*

DOSTAVLJENO:

1x Skupština Zeničko-dobojskog kantona,  
1x Ured premijera Zeničko-dobojskog kantona,  
1x a/a.



Broj: 01/02-05-15266/16  
Zenica, 02.09.2016. godine

ZENIČKO-DOBOJSKI KANTON  
VLADA KANTONA  
Stručna služba Vlade  
n/r sekretara

**PREDMET: Inicijativa Amira Ganića, poslanika Skupštine Zeničko-dobojskog kantona za promjenu datuma obilježavanja Dana Zeničko-dobojskog kantona - dostavlja se**

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), dostavljamo Vam na mišljenje Inicijativu Amira Ganića, poslanika Skupštine Zeničko-dobojskog kantona za promjenu datuma obilježavanja Dana Zeničko-dobojskog kantona, koju je imenovani podnio na 31. sjednici Skupštine održanoj dana 31.08.2016. godine, a imajući u vidu da je Dan Zeničko-dobojskog kantona proglašen odredbom člana 1. Zakon o utvrđivanju i obilježavanju dana Zeničko-dobojskog kantona ("Službene novine Zeničko-dobojskog kantona" broj: 6/13), navedena inicijativa imenovanog poslanika Skupštine se može tretirati kao inicijativa za donošenje Zakona o izmjeni Zakona o utvrđivanju i obilježavanju dana Zeničko-dobojskog kantona.

Naime, odredbom člana 111. Poslovnika Skupštine Zeničko-dobojskog kantona, propisano je slijedeće: „*Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja*”.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana dostavite mišljenje povodom navedene inicijative.

S poštovanjem,

**PRILOG: - inicijativa Amira Ganića, poslanika Skupštine Zeničko-dobojskog kantona za promjenu datuma obilježavanja Dana Zeničko-dobojskog kantona, u pismenoj formi,**  
- Izvod iz transkripta sa 31. sjednice Skupštine Kantona održane 31.08.2016. godine u kojem je sadržana inicijativa Amira Ganića, poslanika Skupštine Zeničko-dobojskog kantona za promjenu datuma obilježavanja Dana Zeničko-dobojskog kantona

**DOSTAVLJENO:**

- Naslovu,
- 1 x Svim članovima Zakonodavno-pravne komisije/04-01,
- 1x Svim poslanicima Skupštine/05-03,
- 1 x Ministarstvu za obrazovanje, nauku, kulturu i sport,
- 1 x Poslaniku Amiru Ganiću, (na znanje),
- 1 x U spis predmeta-03



AMIR GANIĆ iz Visokog  
Zastupnik u Skupštini ZE-DO kantona

ZENIČKO-DOBOJSKI KANTON  
SKUPŠTINA ZE-DO KANTONA  
PREDSJEDAVAJUĆI SKUPŠTINE

Na osnovu odredaba Poslovnika o radu Skupštine ZE-DO kantona Klub pokrećem

### Inicijativu


Za promjenom datuma obilježavanja Dana Zeničko-dobojskog kantona.

### Obrazloženje:

Dan 29. avgust koji se zvanično obilježava kao Dan Kantona je također i Dan općine Visoko. Ovaj za općinu Visoko sa historijskog aspekta po mnogo čemu značaj datum je za razliku od obilježavanja Dana Kantona mnogo ranije ustanovljen. S druge strane pomenuti datum nema nikakvu bližu niti dalju historijografsku vezu sa ZDK.

Visoko, 31.08.2016. godine

Zastupnik Amir Ganić



*Izvod iz transkripta sa 31. sjednice Skupštine Zeničko-dobojskog održane 31.08.2016. godine u kojem je sadržana inicijativa Amira Ganića, poslanika Skupštine Zeničko-dobojskog kantona, za promjenu datuma obilježavanja Dana Zeničko-dobojskog kantona*

**AMIR GANIĆ**

Još jednom pozdravljam sve prisutne. Ja neću ulaziti u neku širu elaboraciju, otprilike sam kazao na onom prethodnom obraćanju u dijelu svečane sjednice na što se odnosi moja inicijativa i još jednom ponavljam: „ja pokrećem inicijativu za promjenu datuma obilježavanja Dana Kantona“. Vama je poznato da sam i ja i još neke kolege ovdje, javno, posebno gospodin Karavdić.....,da smo izražavali određenu dozu negodovanja zbog toga što je taj isti dan i Dan općine Visoko, a u tom smislu pokrećem ovu inicijativu. Zahvaljujem.



Broj: 02-05-15266-1/16  
Zenica, 10.05.2017. godine

U vezi sa aktom Stručne službe Skupštine, broj: 01/02-05-15266/16 od 02.09.2016. godine, koji se odnosi na zahtjev za davanjem mišljenja na podnesenu Inicijativu Amira Ganića, poslanika Skupštine Zeničko-dobojskog kantona, za promjenu datuma obilježavanja Dana Zeničko-dobojskog kantona na način da se ista tretira kao Inicijativa za donošenje Zakona o izmjeni Zakona o utvrđivanju i obilježavanju Dana Zeničko-dobojskog kantona, dajemo slijedeće

## MIŠLJENJE

Članom 1. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13) propisano je da se s ciljem obilježavanja dana Zeničko-dobojskog kantona, 29. avgust proglašava Danom Kantona kao datumom kada je potpisana Povelja Kulina bana kojim se potvrđuje dugogodišnja opstojnost bosanske državnosti.

Predmetna Inicijativa sadrži zahtjev za promjenu datuma obilježavanja Dana Zeničko-dobojskog kantona sa obrazloženjem da je 29. avgust, također, i Dan općine Visoko, te da je sa historijskog aspekta po mnogo čemu značajniji za općinu Visoko i mnogo ranije ustanovljen za razliku od obilježavanja Dana Kantona i koji prema podnosiocu Inicijative nema nikakvu bližu niti dalju historijografsku vezu sa Zeničko-dobojskim kantonom.

Nakon razmatranje Inicijative, uzimajući u obzir da sama Inicijativa nema predložen konkretan drugi/novi datum za obilježavanje Dana Zeničko-dobojskog kantona, Ured premijera Zeničko-dobojskog kantona kao niti Vlada Zeničko-dobojskog kantona ne može zauzeti mišljenje da li je ista opravdana ili neopravdana, a s druge strane s obzirom da je Zakon o utvrđivanju i obilježavanju Dana Zeničko-dobojskog kantona donesen na 36. sjednici Skupštine Zeničko-dobojskog kantona, održanoj 07.05.2013. godine, po skraćenom postupku, smatramo da jedan ovakav značajan datum zaslužuje širu raspravu i konsultacije u koju bi se uključili i stručnjaci iz odgovarajućih oblasti.

